

seipso deficiat, & deficiendo malum efficiat. Deinde Deus conservat existentiam & vires creaturarum directè: & quia peccatum est in creaturâ, indirectè illud cadit sub conservationem Dei. Quò pertinet illud πολυβρύχητον: Malum est in bono. Tertiò Deus gubernat perficiendo, præcipiendo, & permittendo. Perficiendo, inquam, & præcipiendo non nisi bona: permittendo, tum bona, tum mala. Denique Deus ordinat bona & mala, constituendo finem, disponendo media ad finem, & disposita dirigendo.

V. *Posito decreto providentia tollitur casus & fortuna.* Hæc enim sunt opposita. Sed respectu nostri casus locum habet in rebus, quæ fiunt. 2. Sam. 1. 6. 1. Reg. 21. 34.

VI. *Posito decreto providentia non statim tolluntur media.* Nam providentia Dei est mediata vel immediata.

## CAPUT VIII.

### De decreto predestinationis.

I. **A** *Decreto providentia ad decretum predestinationis non licet argumētari quantum ad statum hominis.* Nam ibi consideratur homo quantum ad statum naturalem & animalē, hîc quantum ad supernaturalem.

B 4 lem.